



Vogošća, ul. Jošanička, br. 80; tel: 00387 33 586 413, fax: 586 418

Broj: 07-11-900/20
Vogošća, 13.07.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 13.07.2020. godine donio je

ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA REHABILITACIJI
SAOBRAĆAJNICE U DIJELU ULICE KOBILJA GLAVA U DUŽINI OD 290 m, NA PODRUČJU
OPĆINE VOGOŠĆA

Član 1.

Ponuda ponuđača "Bucomerc" d.o.o. Kiseljak, ulica Brestovsko bb Kiseljak, odabrana je za izvođenje radova na rehabilitaciji saobraćajnice u dijelu Ulice Kobilja Glava u dužini od 290 m, na području općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 154.590,00 KM bez uračunatog PDV-a, odnosno 180.870,30 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 17.06.2020. godine donio Odluku o pokretanju Otvorenog postupka nabavke radova na rehabilitaciji saobraćajnice u dijelu Ulice Kobilja Glava u dužini od 290 m, na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 17.06.2020. godine pod brojem: 1353-1-3-104-3-89/20.

Sažetak Obavještenja o nabavci objavljen je u "Službenom glasniku BiH" broj: 35/20 od 19.06.2020. godine.

Tendersku dokumentaciju sa Portala javnih nabavki BiH je preuzelo 13 (trinaest) ponuđača. Krajnji rok za dostavu ponuda bio je 06.07.2020. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 06.07.2020. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-900/20 iz juna 2020. godine i Izmjeni TD broj: 07-11-900/20 iz juna 2020. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Bosman" d.o.o. Sarajevo	170.267,46	/	/	199.212,93
2	"Bucomerc" d.o.o. Kiseljak	154.902,33	/	/	181.235,73
3	"Ame" d.o.o. Breza	162.378,26	/	/	189.982,56
4	"Grakop" d.o.o. Kiseljak	167.266,84	/	/	195.702,20
5	"Demus" d.o.o. Sarajevo	180.991,05	/	/	211.759,53

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Bosman" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD, a u skladu sa članom 51. Zakona od ponuđača su zahtjevane obrazovne i profesionalne kvalifikacije lica koja su angažovana na izvođenju konkretnih radova, i to između ostalih da ponuđači imaju na raspolaganju i 2 (dva) lica, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovaoci građevinskim mašinama).

Tačkom 7.4.2. pod b) TD je propisano da su ponuđači dužni u ponudi dostaviti sljedeće pismene dokaze, i to između ostalog za 2 (dva) lica, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovaoci građevinskim mašinama) potrebno je bilo dostaviti Diplome/Svjedočanstva o završenoj traženoj stručnoj spremi i dokaze o radnom angažmanu, uz Napomenu III kojom je propisano da Dokazi o radnom angažmanu za sve tražene osobe mogu biti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 pod b) TD.

Ponuđač "Bosman" d.o.o. Sarajevo je u svojoj Ponudi (strana 30. Ponude) dostavio Izjavu o obrazovnim i profesionalnim kvalifikacijama izvođača broj: 0607-1/20 od 06.07.2020. godine, iz koje se može vidjeti da ponuđač raspolaže sa kvalifikovanim licima za izvođenje konkretnih radova. Pod rednim brojem 10. u dostavljenoj tabeli se nalazi ime Ajdin Horman, KV rukovaoc građevinskim mašinama.

Ponuđač je u Izjavi naglasio da kao dokaz o radnom angažmanu za uposlenike prilaže Listu osiguranih lica iz Poreske uprave-nadležne ispostave.

Ponuđač "Bosman" d.o.o. Sarajevo je u svojoj Ponudi dostavio Svjedočanstvo o završenoj traženoj stručnoj spremi za Ajdina Hormana, KV rukovaoca građevinskih i pretovarnih mašina.

Ponuđač "Bosman" d.o.o. Sarajevo je u svojoj Ponudi (strana 68.-72. Ponude) kao dokaz o radnom angažmanu dostavio Listu osiguranih lica od 23.06.2020. godine, izdatu od strane Porezne uprave Federacije BiH-Ispostava Ilidža.

Uvidom u gore spomenutu Listu osiguranih lica, Komisija za javne nabavke cijeni da je ponuđač "Bosman" d.o.o. Sarajevo propustio da dostavi dokaz o radnom angažmanu za Ajdina Hormana, KV rukovaoca građevinskih i pretovarnih mašina, jer se isti uopšte ne

nalazi na dostavljenoj Listi osiguranih lica od 23.06.2020. godine, izdatoj od strane Porezne uprave Federacije BiH-Ispostava Ilidža.

Na taj način, ponuđač je postupio suprotno jasno postavljenom zahtjevu ugovornog organa propisanim odredbama tačke 7.4.2. pod b) TD-Napomena III.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Bucomerc" d.o.o. Kiseljak,
- "Ame" d.o.o. Breza,
- "Grakop" d.o.o. Kiseljak i
- "Demus" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela ponuda ponuđača koji ispunjava formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda, nakon čega je utvrđeno da postoji računaska grešaka u Ponudi ponuđača "Demus" d.o.o. Sarajevo.

Komisija za javne nabavke postupajući u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14) je izvršila ispravku računske greške, te je aktom broj: 07-11-900/20 od 10.07.2020. godine dostavila na davanje saglasnosti ponuđaču "Demus" d.o.o. Sarajevo.

Ponuđač "Demus" d.o.o. Sarajevo je svojim aktom broj: 185-VII/2020 od 10.07.2020. godine dao saglasnost na ispravku računske greške, tako da umjesto ukupne ponuđene cijene u iznosu od 180.991,05 KM bez uračunatog PDV-a, ukupna cijena ponude nakon prihvaćene ispravke od strane ponuđača iznosi 177.339,05 KM bez uračunatog PDV-a.

Komisija za javne nabavke je konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20), te će u svrhu poređenja ponuda umanjiti cijene domaćih ponuda za preferencijalni faktor od 30% u postupcima javnih nabavki kod kojih je objavljeno obavještenje o nabavci ili upućen poziv kandidatima/ponuđačima za postupke koji nemaju obavještenje o nabavci u periodu od 01.06.2020. do 01.06.2021. godine.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 13.07.2020. godine u 12:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 13.07.2020. godine, Komisija za javne nabavke je sačinila sljedeću Rang listu u Otvorenom postupku nabavke radova na rehabilitaciji saobraćajnice u dijelu Ulice Kobilja Glava u dužini od 290 m, na području općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Bucomerc" d.o.o. Kiseljak	154.590,00	180.870,30
2	"Demus" d.o.o. Sarajevo	154.747,43	181.054,49
3	"Ame" d.o.o. Breza	162.378,26	189.982,56
4	"Grakop" d.o.o. Kiseljak	167.266,84	195.702,20

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Bucomerc" d.o.o. Kiseljak, za izvođenje radova na rehabilitaciji saobraćajnice u dijelu Ulice Kobilja Glava u dužini od 290 m, na području općine Vogošća, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u iznosu od 154.590,00 KM bez uračunatog PDV-a, odnosno 180.870,30 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradila: Mahira Ćolić

Kontrolisala: Melisa Kršo

Dostavljeno:

1. "Bosman" d.o.o. Sarajevo
2. "Bucomerc" d.o.o. Kiseljak
3. "Ame" d.o.o. Breza
4. "Grakop" d.o.o. Kiseljak
5. "Demus" d.o.o. Sarajevo
6. Nadležnoj Službi
7. U dosije
8. a/a

033/762-061
030/876-248
032/783-936
030/872-216
033/210-167



OPĆINSKI NAČELNIK

Edin Smajić

